



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Na: Presidente di Parlamento di Kòrsou Sra. Ch. America-Francisca
Wilhelminaplein 4
Presente

Willemstad, 06 Mei 2024

Tópiko: Pregunta na Minister di Hustisia sr Hato riba: Un pais den desórden, dùm p i kimamentu di sushi!!!

Honorabel sra. America-Francisca,

Señora presidente, pa medio di e karta aki suskrito ke hasi uso di artíkulo 96 di Reglamentu di Òrdù i ta pidi enkaresidamente pa bo persona por dirigí e karta aki ku e Tópiko: 'Pregunta na Minister di Hustisia sr Hato riba: Un pais den desórden, dùm p i kimamentu di sushi!!!' na Minister di Hustisia sr Hato.

Atentamente,

Ana Maria Pauletta

Miembro di Parlamento, Partido Alternativa Real





PARLAMENTO DI KÒRSOU

Parliament of Curaçao · Parlamento de Curazao · Staten van Curaçao

PRESIDENTE DI PARLAMENTO
DI KÒRSOU

Na
Minister di Hustisia
Sr. S. Hato
Wilhelminaplein z/n
Presente

Willemstad, 6 di mei 2024

Bo referensia:

Bo karta:

Nos number:
23-24/00837-0

Tópiko: Preguntanan konforme artíkulo 96 di Reglamento di Òrdu

Apresiabel señor Minister Hato,

Konforme artíkulo 96 di Reglamento di Òrdu di Parlamento di Kòrsou, mi ta dirigí un karta na señor Minister ku 3 pregunta di miembro di Parlamento señora A.M.V. Pauletta.

Nos ta keda pendiente pa e kontestanan.

Atentamente,

Presidente di Parlamento,

Sra. Ch.M. America-Francisca



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Minister di Hustisia
Sr. S. Hato
Wilhelminaplein z/n
Presente

Kòrsou, 06 mei 2024

Tópiko: Pregunta na Minister di Hustisia sr Hato riba: Un pais den desórden, dùmp i kimamentu di sushi!!!

Apresiabel Hato,

E sentimentu ku nos pais den proseso pa dekaí den un estado di desórden alarmante. Ta biba e impreshon ku algun miembro di nos komunidad no ta i/òf kier respetá leinan di nos pais. Ehèmpelman di esaki ta bisto den infrakshonnan di reglanan di tráfiiko, manera kore sin seguro, pasamentu den lus di tráfiiko i velosidat haltu.

E ministerio di Hustisia ta hunga un ròl determinante, den no solamente mantené e órden, pero mantenshon di e sentimentu di seguridat den nos pais. I komo titular di e ministerio, minister Hato mester representá e posishon aki. Minister Hato mester ta esun promé yama pa vosifera su mes kontra di kualke akto di desórden, kaminda ta faya ku leinan di nos pais. I sigur si esaki ta bira algu struktural.

Mi kier mensioná, mi preokupashon pa situashon di Dam Pretu, kaminda pa añanan largu a bira un kustumber ku hendenan ta bai dera sushi i tambe kima sushi einan, lokual ta kontra lei. Pa e último simannan tabatin diferente kandela, ku no ta paga den e área, tur esaki pa motibu di e dùmp di sushi aki. Di e grupo di malechornan aki, tin un akstitut desafiante. Manera lei no ta konta pa nan. Ta asina ku un grupo di nos komunidad ta bai asina leu ku nan kobra pa dùmp sushi den naturalesa.

Ta lamentabel ku durante e último aña nos a mira muchu tiki akshonnan konkreto di parti di e titular, pa ku desórden kresiente aki.

Tur esaki ta kousa molèster, frustrashon, daño na e siudadano ku si kier mantené su mes na regla. Den kuadro di esaki, suskrito tin algun pregunta:

1. Minister Hato komo titular responsabel pa garantisá ku nos siudadanonan ta kumpli ku regla, ta sinti su mes yama pa atendé ku e desórden kresiente den nos pais?
2. Minister ta dispuesto pa enkabesá un kampaña di konsientisashon tokante mantenshon di nos reglanan ?
3. Minister Hato ta dispuesto pa vosifera di un forma kla i raspa komo titular di e ministerio di Hustisia, ku un komportashon di desórden ta inakseptabel den nos pais ?

Danki di antemano,


Ana Maria Pauletta

Miembro di Parlamento, Partido Alternativa Real

